

Na osnovu člana 6. Zakona o javnim preduzećima u Federaciji Bosne i Hercegovine (“Službene novine Federacije BiH”, br. 8/05, 81/08, 22/09 i 109/12), člana 310. i člana 234. tačka p) a u vezi s članom 303. stav (1) Zakona o privrednim društvima (“Službene novine Federacije BiH”, br. 81/15), na osnovu člana 17. i u skladu sa članom 8. Odluke o usklađivanju statusa Kantonalnog javnog komunalnog preduzeća za transport i distribuciju gasa “Sarajevo-gas” Sarajevo sa Zakonom o javnim preduzećima u Federaciji Bosne i Hercegovine (“Službene novine Kantona Sarajevo”, br. 30/05, 25/09, 22/11, 3/12, 1/13, 27/16 i 11/19), na osnovu člana 25. tačka a), člana 83. stav (2) i člana 85. stav (2) Statuta Kantonalnog javnog komunalnog preduzeća za snabdijevanje prirodnim gasom “Sarajevogas” d.o.o. Sarajevo broj: 010101-01-2540/16 od 05.10.2016. godine, člana 20. i 21. Poslovnika o radu Skupštine KJKP „Sarajevogas” d.o.o. Sarajevo broj: 0101-01-3481/18 od 02.11.2018. godine i Odluke Nadzornog odbora broj: 0101-02-916/19 od dana 27.03.2019. godine, Skupština KJKP „Sarajevogas“ d.o.o. Sarajevo na sjednici održanoj dana 28.03.2019. godine, donijela je

## **O D L U K U**

### **O IZMJENAMA I DOPUNAMA STATUTA KJKP “SARAJEVOGAS”, D. O. O. SARAJEVO**

#### **Član 1.**

U Statutu Kantonalnog javnog komunalnog preduzeća za snabdijevanje prirodnim gasom “Sarajevogas” d.o.o. Sarajevo broj: 010101-01-2540/16 od 05.10.2016. godine, član 7. stav (1) mijenja se i glasi:

„(1) Preduzeće obavlja sljedeće djelatnosti:

- 33.12 Popravak mašina;
- 35.22 Distribucija plinovitih goriva distribucijskom mrežom;
- 35.23 Trgovina plinom distribucijskom mrežom;
- 42.21 Gradnja cjevovoda za tečnosti i plinove;
- 42.99 Gradnja ostalih građevina niskogradnje, d.n.;
- 43.21 Elektroinstalacijski radovi;
- 43.22 Uvođenje instalacija vodovoda, kanalizacije i plina i instalacija za grijanje i klimatizaciju;
- 43.29 Ostali građevinski instalacijski radovi;
- 43.99 Ostale specijalizirane građevinske djelatnosti, d.n.;
- 45.20 Održavanje i popravak motornih vozila;
- 46.71 Trgovina na veliko krutim, tečnim i plinovitim gorivima i srodnim proizvodima;
- 47.30 Trgovina na malo motornim gorivima u specijaliziranim prodavnicama;
- 47.78 Ostala trgovina na malo novom robom u specijaliziranim prodavnicama;
- 49.50 Cjevovodni transport;
- 52.21 Uslužne djelatnosti u vezi s kopnenim prijevozom;
- 56.29 Ostale djelatnosti pripreme i usluživanja hrane;
- 58.19 Ostala izdavačka djelatnost;
- 58.29 Izdavanje ostalog softvera;
- 62.01 Računarsko programiranje;
- 62.03 Upravljanje računarskom opremom i sistemom;

- 63.11 Obrada podataka, usluge hostinga i djelatnosti u vezi s njima;
- 63.12 Internetski portali;
- 63.99 Ostale informacijske uslužne djelatnosti, d.n.;
- 70.21 Odnosi s javnošću i djelatnosti saopćavanja;
- 70.22 Savjetovanje u vezi s poslovanjem i ostalim upravljanjem;
- 71.11 Arhitektonske djelatnosti;
- 71.12 Inženjerske djelatnosti i s njima povezano tehničko savjetovanje;
- 71.20 Tehničko ispitivanje i analiza;
- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama;
- 72.20 Istraživanje i eksperimentalni razvoj u društvenim i humanističkim naukama;
- 73.20 Istraživanje tržišta i ispitivanje javnog mnijenja;
- 74.90 Ostale stručne, naučne i tehničke djelatnosti, d. n.;
- 82.99 Ostale poslovne pomoćne uslužne djelatnosti, d.n.;
- 85.60 Pomoćne uslužne djelatnosti u obrazovanju;
- 95.11 Popravak računara i periferne opreme.”

## **Član 2.**

U članu 29. iza tačke aa) dodaje se tačka bb) koja glasi:

“bb) donosi odluku o imenovanju Komisije za žalbe kao drugostepenog organa u postupku prijema radnika, kao i druge komisije po potrebi;”

Dosadašnja tačka bb) postaje tačka cc).

## **Član 3.**

Iza člana 40. dodaje se novi član 40a. koji glasi:

### **“Član 40a.**

(Komisija za žalbe)

- (1) Nadzorni odbor imenuje Komisiju za žalbe iz reda radnika zaposlenih u Preduzeću, na prijedlog Uprave.
- (2) Komisija za žalbe je nezavisan organ za rješavanje prigovora u drugostepenom postupku prijema radnika u radni odnos, koji zainteresovani kandidati izjavljuju na obavijest Uprave u skladu sa članom 16. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala („Službene novine Kantona Sarajevo“, broj: 9/19).
- (3) Komisija za žalbe imenuje se na period od dvije godine.
- (4) Komisija za žalbe ima predsjednika i dva člana, koji imaju zamjenike.
- (5) Predsjednik i zamjenik predsjednika Komisije za žalbe su lica sa završenim prvim ciklusom studijskog programa visokog obrazovanja ili ekvivalent – pravni fakultet i koja imaju najmanje pet godina radnog iskustva na pravnim poslovima.
- (6) Članovi i zamjenici članova Komisije za žalbe su lica sa završenim prvim ciklusom studijskog programa visokog obrazovanja ili ekvivalent.
- (7) Komisija za žalbe donosi poslovnik o svom radu.
- (8) Komisija za žalbe jednom godišnje Nadzornom odboru podnosi izvještaj o svom radu.



**Član 4.**

U članu 53. stav (3) se briše.

**Član 5.**

U članu 84. stav (2) mijenja se i glasi:

„(2) Opći akti Preduzeća stupaju na snagu osmog dana od dana objavljivanja, izuzev ako je općim aktom koji se donosi drugačije određeno.“

**Član 6.**

Ova odluka stupa na snagu danom donošenja, a objaviće se na oglasnoj ploči i na Intranet mreži informacionog sistema Preduzeća.

**P R E D S J E D N I K  
S K U P Š T I N E P R E D U Z E Ć A**

Broj: 0101-01-

Sarajevo: \_\_\_\_\_

\_\_\_\_\_  
Imer Poračanin, dipl.ing.maš.